


大日本史




番外書册

和書門			
三二一六	二七	一三	五三
號	函	架	册

内閣文庫			
三二一六	五三	一三	五三
號	册	架	册
和書類			

内閣文庫	
番號	和 13216
冊數	53 (12)
函號	138 102

自二十三
至二十四



淺草文庫

大日本史卷二十三

本紀第二十三


權中納言後三位源光圀 修

男權中納言後三位綱條 校

嵯峨天皇

嵯峨天皇諱神野平城帝同母弟也延曆五年九月七日癸巳生於長岡宮故事每皇子生以乳母姓為之名天皇乳母姓神野故名焉

文德實錄日本 十八年二月加元服幼聰敏好讀



大日本史卷二十三

書及長博覽經史善屬文妙草隸神氣岳岳
有人君之量桓武帝尤鍾愛之初為親王二十二年
正月叙三品歷中務卿彈正尹大同元年五月
立為皇太弟四年四月丙子朔平城帝因疾禪位
天皇抗表固辭不聽紀畧右大臣兼左近衛大將藤
原內麻呂中納言兼右近衛大將坂上田村麻呂
並如故公卿神任十三日戊子天皇即位于大極殿年
二十四日己丑詔立皇姪高岳親王為皇太
子紀畧以中納言藤原葛野麻呂為傳神任十六

日辛卯敕修諸國神社紀畧二十日乙
未敕使諸道觀察使兼外任收其元封以助
國用紀畧二十八日癸卯詔曰頃日太上天皇
聖躰不豫頻移晦朔醫藥无驗祈禱不徵有
靈之類惟人為重思降寬惠式資聖躬其大
赦天下常赦所不免咸皆赦除又令天下禁
斷殺生七日濱水百姓以漁為業者量給糧
為類聚國史紀畧五月二十二日丁卯以霖雨賑給
京師二十五日庚午祈晴松尾鴨御祖別雷

等社紀畧二十七日壬申大炊寮廩災二十次

日癸酉伊勢獲白鳥類聚史紀畧六月八日壬午

祈雨丹生川上紀畧十三日丁亥立三品高津

内親王為妃橘嘉智子多治比高子為夫人

秋七月乙巳朔修藥師法於小安殿限七日

以禱上皇不豫類聚史紀畧三日丁未禁獵於大

原栗前水生日根等野十七日辛酉敕令諸

国司齊戒祈雨十九日癸亥大風秋八月五

日戊寅又大風紀畧十一日甲申卜定皇女仁子

内親王為齋宮癸卯晦天皇觀太上天皇於

左兵衛府類聚史紀畧九月三日丙午以旱疫停

役諸國脚夫於京師類聚史紀畧二十七日庚午頒

觀察使起請十六條於天下紀畧冬十月

癸酉朔渤海來貢紀畧十一月五日丁未上皇

遣右近衛中將藤原真夏左馬頭藤原真雄

左少辨田口息繼左近衛少將藤原真本等

於攝津豐島為奈等野及平城舊都相宮地

類聚史十二日甲寅上皇遣右兵衛督藤原御

成及田口息繼等造平城十二月四日乙亥
上皇取水路幸平城宮宮殿未成權御故右
大臣大中臣清麻呂第

弘仁元年庚寅春正月壬寅朔以違豫廢朝
賜侍臣以上衣被類聚國史紀畧七日戊申遣使賑

左右京飢民紀畧十三日甲寅免隱岐大同元

年以來未納稅類聚國史是月平城宮成上皇遷

御焉鏡水三月十日庚戌初置藏人頭補夏四

月造招提寺塔紀畧五月十五日甲寅敕諸國

停進相撲人類聚國史紀畧二十日己未遣使祈晴

丹生川上紀畧六月二日庚午幸神泉苑十八

日丙戌又幸神泉苑二十六日甲午地震類聚

國史紀畧二十八日丙申上皇詔曰嚮置觀察使

各委一道而參議之寄望重守大歸任責成

職非虛設宜罷觀察使復參議號封邑之制

亦仍舊數紀畧秋七月九日丁未敕進齋力人

者常限六月二十日以前自今以後隨得則

進莫限期月十三日辛亥以不豫誦至於

原長岡二寺十八日丙辰遣右大辨藤原藤
繼阴阳頭安倍真勝等鎮祭高島陵十九日
丁巳天皇遷御東宮二十六日甲子令天下
禁斷殺生七日其業漁者給糧戊辰晦遣右
大辨藤原藤嗣奉幣大神宮八月八日丙子
奉幣名神以禱不豫十日戊寅攝津言慶雲
見十一日己卯修藥師法於大政官限七日
類聚國史紀畧九月戊戌朔遣使畿内班民口田紀畧
六日癸卯上皇尚侍藤原藥子矯上皇勅擬

遷都於平城人心騷動十日壬未宮中戒嚴
遣使守伊勢近江美濃三國府及故關詔暴
藥子及兄仲成等眾惡遣參議藤原緒嗣告
栢原山陵十一日戊申大外記上毛野野人
後平城來告太上天皇今曉率兵入東國天
皇遣大納言坂上田村麻呂參議文室綿麻
呂將兵邀美濃道又發兵守宇治山崎兩橋
与渡市津是夜仲成伏誅十二日己酉上皇
還宮薙髮藥子仰藥而死十三日庚戌廢皇

太子立皇弟中務卿大伴親王為皇太子

詔赦後上皇於東國者不問類聚國史紀畧十八日乙

卯以大納言藤原園人為皇太子補任十九

日丙辰改元弘仁二十九日丙寅渤海來貢

紀畧冬十月二十七日甲午楔於松碕川類聚國史

紀畧十一月十八日甲寅雷紀畧十九日乙卯大

嘗十二月十三日己卯遊獵芥川野十六日

壬午遣參議巨勢野足奉幣八幡宮及櫛日

廟賽靖亂之禱二十日丙戌鑄錢司上新錢

長官以下至客作兒叙位賜物類聚國史紀畧是歲

以皇女有智子內親王為賀茂翁禱与上皇

輯睦賀茂翁始于此賀茂翁院記不載其由及所起帝王編年記九

年五月始置今從大和河內攝津參河遠江

丹波國幡伯耆播磨美作備後淡路讚岐土

左飢遣使賑給之紀畧

二年辛卯春正月五日庚子以上殿舍人復

為內登紀畧二月八日癸酉敕給諸國庚子糧

類聚國史十一日丙子遊獵北野十五日辰遷

御西宮類聚國史紀畧十八日癸未皇大弟遷東宮

紀三月乙巳始令諸國進夷俘計帳類聚國史夏

四月二十七日庚寅遣正六位上林東人等

於渤海紀是月四幸神泉苑五月十二日乙

巳幸神泉苑自茲數避暑者於此類聚國史紀畧二十

日癸丑救賑恤諸國罹疾疫鰥寡孤獨貧窮

老疾不能自存者紀畧二十一日甲寅申禁農

民食魚飲酒類聚國史二十三日丙辰大納言兼

右近衛大將坂上田村麻呂薨紀畧補任二十五

日戊午信濃獻白鳥類聚國史紀畧六月癸亥朔

以參議巨勢野足兼右近衛大將補任三日

乙丑奉幣太神宮十九日辛巳賜十三大

寺僧尼年八十已上者人絕二匹布四端

類聚國史紀畧二十五日丁亥主殿寮釜自倒紀畧

秋七月十二日甲辰幸神泉苑賜陪侍者

錢十三日乙巳敕曰聞平城宮諸衛官人

等出入任意不勤宿衛宜使參議加督察

焉類聚國史紀畧十四日丙午遣征夷將軍文室

綿麻呂征蝦夷十五日丁未龍尾道有雲

氣須臾而滅紀八月十二日甲戌幸神泉

苑類聚國史是夜有二星乍合乍離狀似相

闕紀十六日戊寅遊獵北野類聚國史九月

十二日癸卯大風十三日甲辰賜遭風者

米紀十六日丁未敕平城宮諸衛府官人

等任意不直已闕宿衛宜改前敕即命少

將已上檢校焉十九日庚戌停內舍人奏

復因司奏二十六日丁巳遊獵紫野類聚國史

紀是月桃李華冬十月二日癸亥林東人

等至自渤海紀二十四日乙酉遊獵栗前

野二十七日戊子遊獵紫野十一月九日

庚子詔曰伊勢頃年多事百姓勞擾往年供

奉大嘗頗疲轉運重屬兵革共廢農畝今又

勞造神宮未遑息肩尋緣齋內親王相替迎

送祇供不息念其勞止殊夜于懷悅以使民

歷代之洪猷矜而救弊徃哲之恒範宜今年

田租悉免勿徵類聚國史二十八日己未改衍

士府曰衛門府紀畧十二月十六日丙子地震

十七日丁丑遊獵大原野閏月九日己亥日

有抱戴十四日甲辰遊獵水生野類聚畧

三年壬辰春正月二十五日甲申遊獵栗前

野類聚畧是月以後四位下藤原緒夏為夫

人文德實錄存衡二年按類聚畧二月十二

日辛丑幸神泉苑覽花花宴之節始于此十

四日癸卯遊獵水生野十五日甲辰遊獵交

野類聚畧三月二十四日壬午右京人獻連

理木紀畧夏四月六日癸巳幸神泉苑類聚畧

十六日癸卯救糾僧尼無行者類聚畧五月十

二日己巳幸神泉苑類聚畧二十一日戊寅

公卿奏曰垂範訓人事歸濟世改制易俗理

會適時宴智道尚法章政心裁成苟或未弘

豈肯膠柱今此刪定令條是去神護景雲三

年議請刪定而事有不允寢而莫行數十年

後乃始頒下自爾以降訢訟逾繁事不便人

理難取則今故謹辨可不輒請刊改舊俗所

新羅家全諸業者許之六月二日戊子令參
議紀廣濱阿倍真勝等十餘人讀日本
紀後五位下多人長執講是日置諸國夷
俘長類聚三日己丑遣使造長柄橋紀五日
辛卯薩广蝗免逋負稻十六日壬寅開官倉
減價糶貧民二十三日己酉重糾僧尼類聚
二十四日庚戌幸大堰類聚二十六日壬子
敕奉幣畿内名神祈雨是月小鳥生大鳥秋
七月丁巳朔敕以旱疫奉幣天下名神二日戊午

御大極殿奉幣大神宮紀二十四日庚辰幸神

泉苑賜陪侍者錢類聚八月八日癸巳以与

女同車流僧良勝於多禰島九月六日辛酉遊

獵北野二十日乙亥禁東大寺方二里殺生類聚

國史二十五日庚辰遊獵大原野類聚二十六

日辛巳敕曰怪異之事聖人不語妖言之罪法

制非輕而諸國信民狂言言上宴繁或言及國

家或妄陳禍福敗法亂紀莫甚於斯宜仰諸國

令加檢察自今以後輒稱託宣者不論男類聚

隨事科決但神宣灼然其驗尤著者國司檢
 察依實言上三代格冬十月六日辛卯右大臣
 兼左近衛大將藤原内麻呂薨紀十二月二
 日丙戌施調綿一萬五百屯於七大寺常住
 僧及内供奉十禪師類聚國史五日己丑以大納
 言藤原園人為右大臣兼皇太弟傳如故參
 議藤原冬嗣兼左近衛大將補二十一日乙
 巳遊獵芥川野類聚國史紀畧
 四年癸巳春正月二十三日丁丑令伊勢壹

志郡尾張愛智郡常陸信太郡但馬養父郡
 貢郡司子妹年十六己上二十己下容貌端
 正堪為采女者各一人類聚國史二十六日庚辰
 遊獵栗前野二月十六日己亥遊獵交野十
 八日辛丑遊獵水生野類聚國史紀畧二十七日庚
 戌以興福寺僧永繼有淫行流於遠江類聚國史
 二十九日壬子幸神泉苑類聚國史紀畧三月十八
 日辛未大宰府言新羅人到肥前小近島土
 民与之戰殺獲百餘人紀畧夏四月癸未朔

有食之九日辛卯右衛門府獻赤烏紀二十

二日甲辰幸皇太弟南池類聚國史紀畧五月十日

辛酉攝津獲免一頂二身紀畧二十五日丙子

敕曰治國之要在於富民民有其蓄凶年是

防故禹水九年人无飢色湯旱七歲民不失

業今諸國之吏深乖委寄或差役夫時妨廢

農務或專事侵漁无心撫字因此黎元失業

飢饉自隨非緣災侵常告民飢年年賑給倉

廩殆罄儻有天害何以相濟亦治之弊一至

於此自今以後非有田業損害及疾疫等不

得輒請賑給類聚國史六月壬午朔禁京畿百姓

棄病者類聚國史三代格二日癸未以遭水免石見

安藝逋負類聚國史三日甲申大隅薩摩蝗免未

納稅類聚國史紀畧二十四日乙巳幸大堰類聚國史秋

八月十五日乙未幸皇太弟南池十六日丙

申幸葛野川九月二十四日癸酉宴皇太弟

於清凉殿具物用模儀類聚國史紀畧二十七日丙

子敕曰边要之地外冠是防不虞之儲以

為重今大軍頻出儲糧悉罄遺寇猶在非常
 難測若无貯蓄如機急何宜陸奧出羽西國
 公廨混合正稅每年相換給於信濃越後二
 國但年穀不登无物混合并有不可得公廨
 之人合隨狀移送依實相換停止之事宜得
 後教類聚二十八日丁丑遊獵大原野類聚
國史紀冬十月三日壬午奉幣名神賽豐稔紀四
 日癸未遊獵北野七日丙戌遊獵檮原野二
 十四日癸卯遊獵栗前野類聚是月以遭
國史

風免筑後肥前豐前薩广大隅祖調十一月
 二十一日庚午敕夷倭之性異於平民雖從
 朝化未忘野心是以令諸國司勤加教喻而
 更乖朝旨不事存恤彼等所申經日不理含
 愁積怨遂致叛逆宜令播磨備前備中筑前
 筑後肥前肥後豐前守外等厚加教喻所申
 之事早与處分其事既重不可輒決若言上
 聽裁若抚慰乖方令致叛逆及入京越訴者
 專當人等准狀科眾但不得因此令後百姓

二十四日癸酉簡諸國囚已上一人為夷倭

專當是日遊獵水生野類聚史聚二十七

日丙子遊獵芥川野類聚史紀畧是歲竹實紀畧

五年甲午春二月己卯朔陸奧獲白雉八日

丙戌遊獵粟前野十六日甲午幸文野類聚史

紀是日鵲鴿无万數集阴阳寮批把樹紀畧十

七日乙未遊獵文野十八日丙申遊獵水生

野二十一日己亥進山城攝津河内守女等

位賜四位已上衾侍從并三國掾已上衣目

已下及郡司綿右差是日車駕至自文野類聚

紀畧二十七

日乙巳救曰水陸之利公私所

共捕之不時物无繁育如今百姓奸捕小年

魚所獲雖多於物無用宜命山城大和河内

攝津近江等諸國禁之唯四月以後不在禁

限類聚史聚二十八日丙午幸神泉苑夏四月二

十八日乙巳幸在近衛大將藤原冬嗣閑院

第類聚史紀畧五月四日庚戌有鳥集太政官府

白身黑頂兩鬮殊長足似水鳥紀畧八日甲寅

詔賜皇子信弘常明皇女貞姬潔姬全姬善

姬源朝臣姓類聚十二日戊午幸神泉苑十

八日甲子以倭囚亂免出雲意宇出雲神門

一郡未納稅類聚是月有虫蠹拍原山陵

樹枯紀六月丙子朔始供御贖物以為永式

公事是日中務卿萬多親王右大臣藤原園

人等上新撰姓氏錄按姓氏錄奏表係弘仁

紀三日戊寅神泉苑北垣无故自墮是日賑

京師飢民廿九日甲午櫻於鴨川紀二十三

日戊戌禁國司恣改造館舍三代七月十

二日丁巳以新錢一千貫中宮錢一千銚分

施諸大寺類聚十六日辛酉幸葛野川類聚

紀二十一日丙寅免大和河内連祖類聚

月六日庚辰幸神泉苑十二日丙戌復幸二

十七日辛丑遊獵北野二十九日癸卯美作

獻白雀八月十一日甲寅幸皇太弟南池類聚

國史十八日辛酉大和八島寺出嘉禾一莖

十八穗紀二十五日戊辰遊獵北野二十六

日己巳遊獵栗栖野類聚國史紀畧二十九日壬申

詔曰頃年以降春耕候花不憇濯枝之潤秋

稼垂穎可餘栖畝之糧宜委天下國寧明加

檢校奉官社幣帛施給高年僧尼及耆老鰥

寡孤獨不能自存者紀畧是月修藥師法於大

政官院七日類聚國史紀畧九月十五日戊子奉幣名

神以報豐稔紀畧二十七日庚子遊獵栗前野

類聚國史紀畧癸卯晦渤海來貢紀畧冬十月十日癸

丑遊獵北野二十四日丁卯遊獵水生野類聚

國史紀畧二十七日庚午大宰府言新羅幸波古

知等二十六人投化紀畧十一月九日辛巳以

遭賊亂及供蕃客免出雲田租二十二日甲

午遊獵芥川野十二月二十日壬戌又獵芥

川野類聚國史紀畧

六年乙未春二月十七日己未行幸交野二

十三日乙丑還宮類聚國史紀畧三月癸酉朔制蕃

國之使入朝有期客館之設常須牢固宣令

彈正臺及京職檢校紀畧十九日辛卯敕曰軍

用之要以馬為先今聞權貴之家富豪之輩
 通使邊邑求馬夷狄部內因其不肅兵馬所
 以闕之宜依延曆六年格禁買陸奧出羽二
 國馬但馱馬不在禁限類聚國史夏四月十一日
 壬子幸神泉苑二十二日癸亥幸近江滋賀
 韓崎皇太弟從之過崇福寺禮佛更過梵釋
 寺遂御舩泛湖國司奏風俗歌舞五月十四
 日甲申薩廣蝗免調庸田租類聚國史紀畧六月三
 日壬寅令畿內及近江丹波播磨等國植茶

每年獻之類聚國史秋七月七日丙子幸神苑

十三日壬午立夫人播氏為皇后紀畧夫人多

治比高子為妃類聚國史二十四日癸巳幸神泉

苑二十五日甲午詔曰天生黎元樹之司牧

所以阜財利用化成天下是以欲濟弊俗達

且不已思使農夫有稔熟之歡婦功无杼軸

之歎而去五月以降雨水迸溢田疇不修夫

百姓不足君孰与足宜俾左右京畿內先出

今年田租類聚國史紀畧八月己亥朔日有食之三

日辛丑遣使祈晴伊勢賀茂紀畧二十六日甲

子遊獵北野九月二十六日癸巳遊獵大原

野類聚畧自五月至是月霖雨諸國被害冬

十月三日庚子安房獻蘆長二丈圍一尺紀畧

二十五日壬戌遊獵栗前野類聚畧是日敕

定婦人服飾乘車制紀畧十一月二十一日丁亥

敕每歲孟冬斷奏死刑不得延及春月類聚

代畧二十八日甲午遊獵水生野十二月

十七日癸丑遊獵荇川野是歲以頻年不稔

免太宰府管内諸國田租限三年類聚畧

七年丙申春正月丁卯朔以兩廢朝二日戊

辰御大極殿受朝賀類聚畧二十五日辛卯

兩沙紀畧二十六日壬辰遊獵栗前野類聚畧

二月丁酉朔日有食之紀畧十六日壬子幸交

野二十日丙辰遊獵水生野是日至自交野

二十五日辛酉幸典侍小野石子長圍第二

十七日癸亥幸嵯峨別館二十八日甲子以

修禁宮遷御辨官曹司三月二十七日壬辰

命左右近衛射隨中賜錢夏四月六日辛丑
 幸神泉苑命左右近衛射隨中賜錢類聚國史紀畧
 十四日己酉先是天皇受史記於外後五位
 下勇山文繼至是而畢因授後五位下類聚國史
 二十五日庚申還宮類聚國史紀畧六月二十六日
 庚辛幸大堰二十八日壬戌神祇官奏伐高畠
 山陵樹崇見卜兆敕曰朕情所敬唯在山陵
 而有司不勤督察致斯咎徵求之國典其刑
 非輕自今以後嚴加禁斷秋七月二十日癸

未救風雨不時田園被害此則國宰不恭祭
 祀之所致也今聞今茲青苗滋茂宜敬神道
 大致豐稔庶得嘉穀盈畝黎元殷富宜命畿
 內七道其官長清慎存戒奉幣名神禱止風
 雨莫致漏失類聚國史八月二日乙未奉幣太神
 宮類聚國史紀畧十六日己酉大風羅城門倒諸國
 亦多被害紀畧二十四日丁巳幸冷然院二十
 七日庚申幸嵯峨別館類聚國史紀畧是日信濃言
 去年不登國內食乏請穀一萬斛文關高布

以救窮弊許之類聚國史二十八日辛酉復幸嵯

峨九月四日丙寅天皇不豫六日戊辰奉幣

大神宮以賽大風之禱九日辛未以不豫停

節冬十月八日己亥地震類聚國史紀畧十三日甲

辰大宰府言新羅清石珍等一百八十人歸

化紀畧十二月壬辰朔中納言巨勢野足罷右

近衛大將以參議文室綿麻呂兼右近衛大

將補任是歲僧空海創金剛峯寺於高野山皇紀

要記編年
性靈記

八年丁酉春正月二十五日乙酉遊獵芥川野

類聚國史紀畧二月辛卯朔日有食之紀畧九日己

亥遊獵瑞野類聚國史紀畧五日己巳太宰府言

新羅金男昌等三十三人投化紀畧十七日丁

未幸交野二十日庚戌還宮夏四月三日壬

辰幸冷然院類聚國史紀畧二十二日辛亥大宰府

奏新羅遠山和等一百四十四人投化閏月

十六日乙亥幸嵯峨別館六月二日庚申祈

雨室生山紀畧四日壬戌使天下諸國祈雨紀畧

祈雨日記引 秋七月十七日甲辰幸大堰類聚國史

日本後記 紀 撰津言海潮暴溢漂没二百二十人紀八

日十七日甲戌遊獵北野九月十三日己

亥天皇御馬埒殿賜侍臣物二十五日辛亥

遊獵大原野冬十月丁巳羽施調綿一萬三

百屯于七大寺常住僧二十二日戊寅遊獵

栗前野二十三日己卯遊獵水生野十一月

二十三日戊甲又遊獵水生野類聚國史紀畧二十

五日庚戌大雪賜左右近衛綿紀畧十二月十

三日丁卯地震十四日戊辰遊獵芥川野十

八日壬申地震二十日甲戌又震類聚國史紀畧

九年戊戌春正月十三日丁酉太宰府奏新

羅張春等十四人來獻驢紀畧二十四日戊申

遊獵芥川野二月七日辛酉遊獵栗前野十

六日庚午幸交野十九日癸酉還宮二十八

日壬午幸神泉苑類聚國史紀畧三月十九日壬寅

公卿奏頃年水旱相繼損害不少請省臣下

封祿暫助國用俟年豐稔即復舊例許之二

十三日丙午詔改朝會之禮及常所服又早
逢貴而跪等不論男女一依唐法五位已上
禮服諸朝服之色衛仗之服皆緣舊例不可
改張紀畧是春大疫天皇親書金字心經使僧
空海慶讚禳之集著聞夏四月十三日丙寅遣
使京畿名神祈雨二十二日乙亥奉幣大神
宮使諸大寺及畿內諸寺轉經禮佛以祈雨
二十三日丙子詔曰去年秋稼焦傷不收今
茲新苗播殖望絕朕之不德百姓何辜今冀

畏天威茲避正殿分使奉幣徧於群神其朕
及后服御常膳等並宜省減在右馬寮秣穀
一切摧絕仍令左右京職收葬道殣掩骼埋
瘞人民飢困特加賑贍狴犴之中恐有寃者
宜令所司申慮放出又詔比者阴阳愆候炎
旱淹旬起自今月二十六日迄二十八日朕
及公卿百官一皆素食歸心覺門凡厥僧緇
精進轉經以副朕懷紀畧是日太秦公寺災類聚
回史紀畧二十四日丁丑河內飢賑恤之二十六

日己卯遣使招原山陵祈雨二十七日庚辰

改殿閣諸門號皆題榜是日以旱講仁王經

於前殿紀五月二十三日乙巳置齋院司類

國史六月癸丑朔日有食之秋七月三日乙

酉讚岐牛生兩頂犢紀七日己丑以旱停郎

類聚國十四日丙申遣使貴布祢及室生山

龍穴祈雨紀是月相摸武藏下總常陸上野

下野等國地震山崩百姓壓死不可勝計類

史八月十九日庚午遣使諸國巡省地震處

處詔曰朕以虛昧欽若室圖撫育之誠无忘

武步玉風猶鬱帝載未熙咎徵之臻此焉持

甚如聞上野等境地震為災水潦相仍人物

凋損雖云天道高遠不可得言固應政術有

虧致茲靈譴自貶民瘼職朕之由薄德厚顏

愧于天下靜言厥咎實所興歎豈有民危而

君獨安子憂而父不念者哉所以殊降使者

就加存慰其有因震潦而居業蕩然者使等

与所在官司同斟酌量免今年租調并不論民

皇朝通志卷之三百

夷以正稅賑恤助修屋宇使免飢露厭沒之
徒速為斂葬務盡寬惠之旨副朕廼曉之心
類聚國史紀畧二十五日丙子令畿內及京戶租入
停錢收稻類聚國史二十八日己卯遊獵北野九
月十日辛卯詔曰受上天之命者其道貴於
愛民處皇王之位者其功先於濟物用能屈
己以從人欲修德以答靈心肝日勿休乙夜
忘寢而智不周物誠未動天至和有齋咎徵
頻應比者地震害及黎元吉凶由人妖不自

作或愁漫汗乖越方失既心降茲厚譴以警
勗欽畏天之戒不違寧處決之龜筮時行告
咎昔天下年亦有斯變因以疫癘宇內凋傷
前事不忘取鑒不遠竊惟佛旨冲奧大悲為
先理无微而不矜義无遠而不濟又拔除疾
病抑右前典宜令天下諸國設存屈僧於金
光明寺轉讀金剛般若波羅密經五日兼遣
使修楔除去不祥又畿內七道諸國上言弘
仁八年以前稅未納者一切停徵其左右京

皇朝通志卷之三百

大日本史 卷之三十三

民租去年已往有懸負者不論上言不上言

亦後原免庶幾冥道垂鑑塞患源於未流

顯路提福拔疾根於將樹儻咎歸一己人死

歿折欲移其災非志所避周文眾已實所仰

止謂予不信有如皦日十一日壬辰奉幣大

神宮祈除疾疫類聚國史紀畧冬十月九日己未以

祈兩右應賽貴布祢社紀畧二十四日甲戌遊

獵栗前野類聚國史紀畧二十七日丁丑施綿一萬

屯於七大寺常住僧按類聚國史係八年十月丁

已朔調綿一萬三百屯施七大寺十一月辛

已朔鑄新錢文曰富壽神寶五日乙酉治部

卿坂本親王薨紀畧十二月十九日戊辰右大

臣兼皇太子傳藤原園人薨紀畧是歲信濃

長門筑前飢並賑恤之紀畧

十年己亥春正月庚辰朔以風寒廢朝二十

六日乙巳遊獵芹川野類聚國史紀畧二月二十日

戊辰公卿奏曰頻年不稔百姓飢饉倉廩空

盡无物賑稟窮民臨飢必忘廉耻臣等伏望

大日本史 卷之三十三 五

遣使畿内實錄富豪之賸借貸困窮之徒秋

收之時依數得償然則富者无失財之憂貧

者有命之歡許之類聚國史紀二十一日己

巳遊獵水生野賜水生村窮乏者未有差二

十二日庚午還宮二十五日癸酉幸神泉苑

類聚國史紀三月己卯朔有虹貫日紀二日庚辰

山城美濃若狹能登出雲飢救曰倉貯已罄

无物賑贍宜加借貸以救其急班給之法准

賑給例類聚國史紀十四日壬辰禁書麥食馬紀又

禁京畿賣麥救曰去年不登百姓食乏至于

夏時必有飢饉救飢之儲不可不備職國義

知宜加禁斷三代拾二十一日己亥詔復故夫

人藤原吉子及伊豫親王位号紀夏五月十

七日甲午幸神泉苑類聚國史紀畧析兩貴布祿六

月丁未朔日有食之四日庚戌給京中窮弊

者錢九日乙卯奉白馬於丹生川上貴布祿

祈晴紀二十四日庚午幸葛野川類聚國史紀畧秋

七月二日戊寅奉黑馬於丹生川上祈雨十

七日癸巳遣使祈雨大神宮十八日甲午令
 十三大寺及大和定額諸寺轉讀大般若經
 三日以祈雨二十日丙申京師白龍見暴風
 兩損民屋自夏不雨諸國多被害八月兩午
 朔大白書見紀二十三日戊辰幸嵯峨院類
國史二十八日癸酉祈晴貴布祢紀二十九
 日甲戌遠江相摸飛驒國分寺災類乙亥
 晦祈晴丹生川上紀冬十月二日丁未遊獵
 大原野十日乙卯幸冷然院二十日乙丑幸

交野二十四日己巳還宮類十一月三
 日丁丑薩广蝗免袒類二十日甲午渤海
 來貢紀二十二日丙申遊獵栗前野二十六
 日庚子遊獵芥川野類十二月乙巳朔
 日有食之六日庚戌申禁竭池捕魚紀是歲
 敕大納言藤原冬嗣中納言藤原緒嗣等修
 日本後紀類聚國史所
 載木書序
 十一年庚子春正月二十六日己亥遊獵栗
 前野閏月二十二日乙丑遊獵芥川野類聚國史

大日本史

紀二十四日丁卯安四天王銅像於近江梵

釋寺二月五日丁丑改釋奠日用仲丁紀十

三日乙酉以滂賑貸河内乏絕戶類聚十四

日丙戌配遠江駿河新羅人七百人及殺州

民焚廬舍州發兵討之不克賊遂掠伊豆穀

逃入海發相模武藏等七國兵討平之十七

日己丑遣使作大和高市郡泉池紀二十日

壬辰幸交野類聚國三月六日丁未賑給京

師飢民紀夏四月七日戊寅以七道諸國外

己上為夷俘專當按四年十一月癸酉九日

庚辰詔曰損上益下民悅无疆施舍已責王

政攸貴頃者水旱不適年穀不登家无京坻

之儲戶有菜蔬之色一日饑乏事等三秋春

言思之情深恤隱其天下百姓所負租稅未

納及調庸未進者左右京畿内弘仁十年以

前七道諸國九年以前並不論多少咸宜蠲

除或未上言无田追徵并去年借貸貧民連

負未報者亦免之神寺之稻亦宜准此雖府

大日本史 卷之三十一 六

帑未充國度多遺而子富父貧未之有也務
 存優允稱朕意焉類聚國史紀畧二十六日丁酉和
 泉飢賑之二十七日戊戌唐人季少負等二
 十人漂著出羽紀畧五月四日甲辰救收養路
 傍飢病三代格是日新羅季長行等獻鞍轡山
 羊鵝十日庚戌讚岐旱賑給之紀畧六月十七
 日丁亥幸冷然院類聚國史紀畧二十六日丙申奉
 幣名神祈雨二十七日丁酉以旱使諸國轉
 讀大雲經紀畧秋七月九日己酉敕曰去天平

神護二年九月天下勸課百姓種大小麥今
 聞黎民之愚既而不顧至有絕之從苦飢饉
 或雖耕種既失其時空費功力還不得實是
 則國郡官司不慎格旨授時乖方此而後政
 誰謂善吏月令云仲秋之月乃勸種麥毋或
 失時其有失時行眾既疑宜自今以後始自
 八月勤令播種不得失時三代格十二日壬子
 幸葛野川類聚國史紀畧八月五日甲戌免因幡伯
 耆石見安藝未納稅類聚國史七日丙子幸北野

十日己卯幸神泉苑十七日丙戌幸冷然院
九月二十五日甲子幸大原野二十七日丙
寅幸北野冬十月十日己卯施綿一萬五百
屯於內供奉十禪師及七大寺僧類聚國史紀畧十
一月詔曰弘仁八九年間水旱不登府庫稍
耗聽公卿議暫割五位已上封祿四分之一
以均公用如今五穀頗熟支用可均宜封寺
數復之舊例於是公卿上表請御膳復常紀畧
十二年辛丑春正月五日壬寅定刑法新例十

條紀畧九日丙午以大納言藤原冬嗣為右大臣

兼左近衛大將如故補任二月十一日戊寅敕賜民

百歲已上穀四斛九十已上三斛八十已上二斛

七十已上一斛國司次官已上巡行御邑親自稟

給紀畧夏四月五日庚午常陸筑波郡女子一產

三子賜稻三百束類聚國史紀畧五月十一日丙午播磨

民坂地獲一銅鐸高三尺八寸徑一尺二寸六月

五日己巳祈晴貴布祢丹生紀畧秋八月三日丙

寅敕奉幣名神祈年穀无風水害類聚國史紀畧

十八日辛巳奉幣名神賽豐稔紀畧九月六日
已亥幸右大臣藤原冬嗣第冬十月二十四日
丁亥詔曰頃者阴精失候坎德成災河内國
境被害尤甚秋稼以之淹傷下民由其昏墊
朕今即事經歷新地觸目增憂兆庶何辜其
被害諸郡賜復三年尤貧下者去年負租稅
未報及當年租稅亦蠲除之其山城攝津西
國地勢犬牙于此相接見此知被害必汎濫
濱水百姓漂失資產者勿出今年租稅况被

害貧窮量加賑給類聚國史紀畧十一月十三日乙

巳渤海來貢十二月二日甲子復置畿内諸

國博士醫師紀畧三 是歲建真言院於東大

寺要記

十三年壬寅春正月二十五日丁巳遊獵北

野二十七日己未遊獵芥川野二月八日己

巳遊獵栗前野類聚國史紀畧十七日戊寅制五位

已上高年者但賜節祿不預朝會類聚國史二十

一日壬午遊獵水生野二十二日癸未遊獵

芹川野二十九日庚寅幸神泉苑類聚國三史紀畧

月十四日乙巳公卿奏曰臣聞洪範八政以

食為首帶甲百萬非粟无守故先王制政務

无倉廩往哲垂規期守足食然則儲積者治

國之大要安民之急務也豫无儲備恐致闕

乏謹檢去天平神護二年二月二十日敕書

偁夫蓄貯者為國之本宜運近江近郡穀五

万斛貯納於松原倉者伏望准據舊例運近

江縁江諸郡穀収穀倉院奏可紀畧三代夏四

月辛酉朔日有食之紀畧十八日戊寅幸冷然

院類聚國三史紀畧五月十三日壬寅石見飢賑恤之

紀畧本書脫五月字今據干支補之秋七月二日庚寅制曰頃

日太旱涉旬田苗枯損夫引水溉田皆後下

始灌溉之事先貧後富是則法令立文時制

所明人情暴慢猶犯典禮溉用偏頗爭訐良

繁宐重下知特加禁制類聚國三史紀畧五日癸巳遣使

畿内諸國祈雨紀畧六日甲午詔曰問者嘉雨

膏應太旱淹旬奉幣羣神静无攸感詩不云

辛旱既太甚憂心如熏朕并皇后服御物宜
從者徹八日丙申以新錢一百貫班給諸王

貧者類聚國史紀畧山城飢紀畧甲斐疫並賑恤之類聚

國史紀畧是日公卿奏請復減五位以上封祿許

之十七日乙巳新羅人四十口歸化紀畧八月

戊午朔以災害頻臻年穀不登於諸國國分

二寺悔過七晝夜兼修清神社類聚國史紀畧九月

二十七日甲寅遊獵北野冬十月八日甲午

幸河陽宮遊獵文野十一月丁巳朔旦冬至

百官表賀二十四日庚辰赦天下賜物有差

類聚國史紀畧共脫干支今據詔文補之詔曰神功不宰萬物樂

其遂生聖德无外億兆悉其藏用故能光宅

區宇經緯阴阳大庇生靈闡揚鴻烈朕以眇

身忝膺司牧履薄兼奔常懷祗懼比有司奏

俛今年十一月朔旦冬至終而復始得天之

紀仄飛寒律節動微阳踐長之慶无故實

延祚之美抑有前聞朕之寡德何獨當仁思

与天下同享斯福庶施恩采於赤縣答靈貺

於蒼天二十七日癸未遊獵瑞野類聚國史紀畧

十四年癸卯春正月五日辛酉有星孛于西

南紀畧十九日乙亥号東寺曰教王護國寺以

僧空海為長者引皇紀要記弘法行狀要集抄

抄並云養和三年始以真慧為東寺長者而

東寺長者補任云長者空海是長者之始也

但不記年月皇紀要記于此同而二十日丙

子鑿益田池紀畧二十八日甲申遊獵芥川野

日丁酉遊獵栗前野類聚國史紀畧二十六日辛亥

號比叡山根本中堂曰延曆寺皇紀要記天

岳要二十八日癸丑幸无品右智子内親王

山莊是月天下多疫死類聚國史紀畧三月丙辰朔

割越前江沼加賀二郡置加賀國紀畧皇紀

八日癸亥修藥師法於東大寺以攘疫氣東

寺要錄為正月事今十六日辛未京師米價

騰貴出穀倉院穀一千斛減價賣与貧民類

國史二十二日丁丑賑給穀倉院穀於京師

飢民紀畧夏四月十日甲午天皇遷冷然院十

六日庚子御前殿引皇太弟親論曰朕本諸
王子也初望不及於此太上天皇曲垂褒飾
超登儲戴遂遜位於朕躬辭不獲免曰慎一
日未幾而身嬰疾疾萬機壅滯朕始有歸閑
之志令右大臣藤原園人奉還神至太上天
皇不允所請當此之時有小人之言令太上
天皇與朕有隙公卿相議遂君側之群小太
上天皇不察愚款有入東之計群臣懼社稷
不安遣兵邊之朕於赤心有如噉日朕以寡

昧在位十六年

按天皇在位實十五年而太
此云十六年蓋有訛誤

弟與朕春秋亦同朕雖乏知人之鑑與太弟
周旋年久太弟之賢明仁孝朕之所察仍欲
傳位於太弟已經數年今果宿心宜知之皇
太弟避座而跪言臣以闇劣跡派天潢昔屬
世阨險自謂不免於禍會逢聖明更同再生
幸莫大焉何所復望而陛下殊獎天茲儲戴
然身有犬馬之病不堪承祧之狀屢語右大
臣戰々兢々得到于今而今復以大寶傳授

愚蒙心魂迷惑不敢承教天皇不許乃曰今日以前朕遇太弟猶子今日以後太弟遇朕亦猶子耳皇太弟遂即位是為淳和帝乃立正良親王為皇太子天皇便權中納言藤原三守齋昏辭之其式一同上表淳和帝不敢當即令三守奉還其書乃上尊号曰太上天皇天皇致書於淳和帝因辭尊号不從稱後太上天皇以別於平城帝九月幸嵯峨莊中納言藤原三守豫奏於淳和帝即敕右司設

御輿及仗衛天皇辭之帝若請再三天皇唯御馬却前驅兵仗類聚國史紀畧天長二年十月遊獵文野左大臣藤原冬嗣後焉淳和帝遣中納言清原夏野并藏人三人供奉十一月淳和帝賀天皇四十筭十年皇太子登祚是為仁明帝淳和帝受尊號因稱天皇曰先太上天皇承和三年二月遊獵文野四年十月又獵文野九年七月天皇不豫十五日丁未崩于嵯峨院年五十七遣詔曰余昔以不德久

大正
卷之三
泰帝位夙夜兢兢思濟黎庶然天下者聖人之大宝也豈但愚戇微身之有哉故以萬機之務委於賢明一林之風素心所愛思欲无位无號諸山水而逍遥无事先為翫琴書以澹泊後太上皇帝陛下寄言古典強我尊号再三固辭遂不獲免生前為傷沒後如何因兹除去太上之葬禮欲遂素懷之深願故因循故事別為之制名曰送終曰夫存凶天地之定數物化之自然也送終以意豈世俗之

累者哉余年弱冠寒疴嬰身服石麥熱頗似有驗常恐夭殤不期噤曰无言是以畧陳至志凡人之所愛者生也所傷者死也雖愛不得延期雖傷誰能遂免人之死也精亡形銷魂无不之故氣屬於天骸歸于地今生不能右堯舜之德死何用重國家之費故桓司馬之石擲不如速朽揚王孫之羸葬不忍為之然則葬者藏也欲人之不得見也而重以棺槨繞以松炭期柁腊於千載留久客於一壙

已乖歸真之理甚无謂也雖諛俗之至愚必
將笑之豐財厚葬者古賢所諱漢魏二文是
吾之師也是以欲朝死夕葬夕死朝葬作棺
不厚覆之以席約以黑葛置於床上衣衾飯
含平生之物一皆絕之歛以時服皆用故衣
無更裁制不加纏束著以午角帶擇山北幽
僻不毛之地葬限不過三日无信卜筮无拘
俗事謂諛誅含咒願夜刻須向葬地院中
之人可著喪服而給喪事天下吏民不得著

服而供事今上者一七日之間得服衰經過

此早釋擇其近臣出入卧内者一切不可衰

臨挽柩者十二人秉燭者十二人並衣以麤

布後者不過二十人謂院中者男息不在此限

婦女一後停止穿坑淺深縱橫可容棺矣棺

既已下不封不樹土与地平使草生上長絕

祭祀但子中長者私置守冢三年之後停之

又雖无資賤小有琴書處分具遺子戒又釋

之論不可絕棄三七七七各麤布一百段周

忌二百段以斯於使寺追福佛布施細綿十

素机不可配国忌每至忌日今上别遣人信

於一寺聊令誦經布綿之數同上存終一身而休他

見不效此若不從此是戮死地下死而重傷

魂而有靈則冤悲冥途長為怨鬼忌臣孝

子善述君父之志不宜違我情而已他不在此

制中者皆以此制以類役事十六日戌申定

山陵按延喜式不載山陵蓋遣詔薄葬故无陵名以高布二千段

錢一千貫文亮葬費即日襄事續曰本後紀稱日

嵯峨天皇天皇好遊幸數在嵯峨離宮或有

政事設空位於朝堂使五位藏人居其側聽

群議以奏此職事之所由置也續古事談

大日本史卷二十三終

大日本史卷之二十四
淳和天皇
本紀第二十四
權中納言從三位源光圀
修
男權中納言從三位綱條
校

大日本史卷二十四

本紀第二十四

權中納言從三位源光圀 修

男權中納言從三位綱條 校

淳和天皇

淳和天皇諱大伴嵯峨帝弟也母妃藤原氏

日本紀畧延曆五年生焉一紀畧不載生年歷代皇紀

生按類聚國史紀畧弘仁十四年四月甲午條

載嵯峨親詢其中有大弟与朕春秋亦同按

此以延曆五年生明矣但續日本後紀畧亦同

唯紹運錄作五十五年今推之自養和七年至延
曆五年實五十五年皇紀要記為得故後之

十七年四月加元服紀初為親王二十二年叙

三品任兵部卿大同三年五月遷治部卿皇紀

五年轉中務卿皇紀弘仁元年九月立為皇太子皇紀

二十五年水鏡二年二月遷居東宮皇紀十四年四月

十六日庚子嵯峨帝御前殿親論天皇以傳位類

國史天皇避座而辭不許再奉表固辭不聽明日

造朝抱表陳情又不許十八日壬寅天皇踐祚立

皇子恒世王為皇太子皇紀嵯峨帝之志也神皇

記恒世王固辭於是立嵯峨帝之子元正

良親王為皇太子皇紀正以大納言藤原緒

嗣為傳公卿是日遣使西京賑給病民皇紀

十三日丁未詔曰詳觀列代絢鑑前王或因

事以別名或乘時而異号太上天皇利見踐

曆執象修機文教与鵬翼奔飛武功將日車

普運樂推之望出顯猶深謳歌之誠華夷未

已為而不恃成而弗居纖苒紫震鎗銖黃屋

弛擔四海高謝萬邦遂乃抑損天皇之号俯同

人臣之例稽諸往古未有前聞論之當今實非
通式名不正則言不順言不順則事不成聖人
无名雖絕言象稱謂之義非无故實宜上尊号
為太上天皇皇太后曰太皇太后皇太后曰皇
太后類聚國史紀畧按是時无皇太后追尊為
藤原皇后乙午崩平城帝即位追尊為
皇太后三代實錄清和紀稱贈太皇太后年藤
原氏長因山陵者是也其贈太皇太后年月
無所見蓋在此時而无追贈等字係与生者
同書法亦變例也其為桓武藤原皇后可推
知二十六日庚戌中納言兼右近衛大將文
室綿麻呂薨紀畧補任二十七日辛亥天皇即位

于太極殿紀畧按本書不載宮殿
今按玉海治兼四年文右大臣兼

左近衛大將藤原冬嗣如故補任詔所貸諸國

飢民縮未納悉免之類聚國史夏五月甲寅朔詔追

尊皇妣妃藤原氏為皇太后祈晴貴布稱紀畧

中納言良岑安世兼右近衛大將補任三日丙

辰差使奉幣馬於丹生川上以祈晴紀畧五日

戊午涼甲斐賊首吉弥侯部并出麻呂等於

伊豆類聚國史賑給伊賀飢病六日己未以諸國

疾疫百姓窮弊權停貢相撲人二十日癸酉

詔曰乾坤交泰庶品賴其仁雲雨行施群生仰其澤故授衡御極握珥登樞莫不因時而布恩應天而分惠也朕居纘戎之業有若馭奔受光啓之符无忘履薄懼八政之或舛憂一物之未安務存含育情深施生今盛德在火長養應期思迪順陽之令範以播衆時之沛澤其僧綱及京畿諸寺僧尼智行有聞并年八十已上宜量賜物但外國僧尼者百歲已上穀人四斛九十已上三斛八十已上二

斛天下給持高年百歲已上三斛九十已上二斛八十已上一斛其五位已上子孫年二十已上者特叙當蔭之階力田超衆者宜叙爵一階孝子順孫義夫郎婦表其門閭終身勿事類聚 史紀畧六月三日丙戌卜定皇女氏子內親王為斎宮類聚 史紀畧 不載其名 按三代實錄 氏子薨下文 伊勢斎宮記 要記 受時 罷仁 子卜定 氏子今擬之四日丁亥奉幣貴布祢乙訓廣瀨竜田奉幣馬於丹生川上祈雨六日己丑追冊故妃高志內親王為皇后紀畧

二十四日丁未地震類聚國史紀畧秋七月四日丙

辰奉幣和泉大鳥積川兩社七日己未奉幣

大神宮並祈兩十七日己巳以祈雨不應讀

經城內七日并禁殺生紀畧是月以旱疫免長

門參河遠江今年庸賑給美濃阿波飢病類聚

國史八月二日癸未皇太子加元服皇代紀皇

年代畧記六日丁亥癸穀二千斛賑給近江咳疫

民類聚十一日壬戌御大極殿奉幣太神宮

十二日癸巳地震類聚國史紀畧九月壬子朔日右食

之二十四日乙亥御武德殿覽信濃貢馬賜

親王己下參議已上各一匹紀畧冬十月二十

一日辛丑夜大藏省十四間長殿火二十四

日甲辰幸佐比河修禊救賑恤京師窮乏二

十八日戊申以頻年不稔免紀伊民庸類聚國史

紀畧十一月十七日丁卯大嘗皇代紀皇年

年記二十二日壬申加賀言渤海來貢紀畧是夜

盜行火於大藏省巡吏捕獲之二十四日甲

戌遣左兵衛督藤原綱繼奉幣帛於八幡大

神揆日廟類聚國史紀畧十二月四日甲申詔曰古

之王者受命膺錄文質相變損益不同興風

致治垂範等訓通之古今其揆一也頃者阴

阳錯謬早疫更侵年穀不登黎甿残耗朕運

鐘宝曆嗣奉洪基永思善政已忘寢食昔早

宮創構只為三等之階露臺將營猶愛十家

之產興言遠想載懷景行夫濟世之道不可

守株隨時之宜豈合膠柱今欲要救涼俗勤

恤民隱公卿宜各陳所思以匡不逮靡有隱

諱其時世澆漓邦國顛瘁禮服雜多闕朝

賀凶年之闕欲停著用亦宜議奏九日己丑

地震類聚國史按本書作乙丑此月十二日

壬辰公卿奏曰乾坤覆載合其德者聖人日

月運行齊其明者元后伏惟皇帝陛下躋元

立極執契提衡開三面而中外荷其至仁抚

五絃而早高賴其愷澤猶慮雍熙之未洽更

求无諱之直言臣等才畧庸疎忝居非擬无

副天旨震愧兼深愚意攸及尋須上聞其礼

服者依詔停止但皇太子及參議非參議三

位以上並預職掌人等依旧著焉類聚國史紀畧十

四日甲午賑給兩京飢民紀畧二十三日癸卯

召僧長慧勤操空海等於清涼殿行大通方

廣之法類聚國史紀畧年中行事及弘法行狀要集抄引日本後紀

天長元年甲辰春正月五日乙卯改元二月

七日丙戌日无色有珥紀畧三月庚戌賑給

美濃百姓飢病八日丁巳詔曰朕以不天幼

罹衰疾未奉懷袖之教已違勤斯之恩歲月

崢嶸其積久音塵漸邈不能逮瞻紫極以摧

屠望白雲而殞越雖慎終之道礼制有限而

追遠之悲胸襟无洩其五月四日者皇太后

昇遐之日也五月之節宜後停廢雖然遏絕

窺覲理資武備防閑斯究實屬戎容國之大

事不可而闕思欲依舊事以閱人徒是則居

安慮危之道也卿等宜指奏聞二十六日乙

亥公卿覆奏云切播氣群生莫貴乎人紫極

提衡聖德詎加於孝伏惟皇帝陛下情深罔

大日本史 卷之十四 七

極事功終身對凱風以无忘瞻寒泉而永慕
 爰臻忌月停此娛遊凡厥群臣不任悽感但
 馬射之道於武尤要冀北竟駒不調則難馭
 山西援臂資習而增奇夫九月九日者所謂
 重陽也竟沙廣宴之辰馬臺高貴之序風至
 時涼馬肥人暇古之王者多以茲日有現馬
 射伏望象此良節以臨射宮臣等請奉詔付
 外施行類聚國史紀畧按續日本後紀天皇長
 十年四月戊寅條初淳和天皇詔廢
 五月節但事在練武不可闕如所以改
 月二十七日至是復舊例知覆奏之後又改

月日而類聚國史紀畧並缺他无所考二十八月丁丑授新羅

人一百六十五人乘田為口分田賜種子農

具價類聚國史是春大旱令僧空海修誥兩經法

於神泉苑二七日澍雨三日遍於天下古事談
係二月

今後弘法行狀要集
抄要記祈雨日記夏四月六日乙酉御大

極後殿遣少納言繼野王神祇大副大中臣

淵魚大祐忌部雲掾等奉御劔幣帛於大神

宮類聚國史紀畧二十一日庚子決路飢賑給之二十

二日辛丑幸神泉苑放渤海獨逐鹿紀畧二十

八日丁未令十五大寺及五畿七道諸國讀

大般若經以禳疫旱五月二日庚戌奉幣天

下諸神禳疫類聚國史紀畧六月十一日戊子安藝

旱疫詔賑給之祈而後紀引二十二日己亥

置天台座主元亨釋書係十月今後二十七

日甲辰幸神泉苑賑給京師紀畧祈而後紀

秋七月七日甲寅先太上天皇崩十二日己

未葬平城天皇八月丁丑朔奉幣名神祈調

風雨類聚國史紀畧九日乙酉太上天皇敕弘仁元

年權任涼人等皆悉聽入京紀畧十七日癸巳

奉幣太神宮祈調風雨類聚國史紀畧十日丙申公卿

奏陳六事曰人主發号施令必奉天時政化

不逆時則風雨應候災害不生尚書曰野无

遺賢萬邦咸寧又曰任賢勿貳去邪勿疑宜

奉賢德去邪枉當今諸國牧宰欲崇治声則

拘於法律不得馳騫邦國殄瘁職此之由宜

妙簡諸公美才以任諸國守从其所除者特

引見以勸喻治方其及經制宜勤不為己者

將從寬恕死拘常法古者分遣八使巡視風俗考治否問疾苦以奉善彈違宜量遣巡察使於諸國考其治否國守古之刺史也堪任之人不可多得得一良守則宜令兼帶數國小大之政後其所請一兩僚屬亦依請任之而祿不厚則人不勸人不勸則治不立若其公辭者攝國之中擇其殷阜以二守分給之試諸一國明知治否然後令兼之又宜令諸氏子孫或入大學習讀經史學業足用量才

授職後之三代拾九月十日乙卯復勘解由

使類聚二十六日辛未賑給山城窮弊百姓

紀二十七日壬申列高雄寺於定額改名神

護國祚真言寺類聚國冬十月丙子朔停多

禱島司隸大隅紀七日辛巳公卿言伏誓舊

章遐觀往母元正首祚品物咸亨萬國帝庚

停朝覲於夏延百垂會同仰膏澤於漢闕今

陛下竢然在疚哀感猶深其新嘗宴會既後

停廢恐至元正亦停大禮春秋之義卒哭之

後得行吉禮伏望元日朝賀享賜等一隨舊
 典詔曰服雖逼諸權制始親萬機而過密之
 悲何曾弭忘况霜露所感觸日增傷燕會之
 儀情未忍觀今卿等所請理叵專抑宜以明
 年元日受朝朝畢後服色復素終于諱月享
 群臣及樂縣並停但准舊例賜節祿類聚國史紀畧
 二年乙巳春正月乙巳朔以不豫廢朝十七
 日辛酉敕遣右大臣藤原冬嗣於建禮門觀
 射禮簡閱六衛隨中賜物是日地震二月二

十六日庚子地震

類聚國史紀畧

三月二十二日乙

丑筑前女子一產三子賜正稅四百束

類聚國史

癸酉晦以攝津江南四郡隸和泉夏四月五

日戊寅以右大臣藤原冬嗣為左大臣大納

言藤原緒嗣為右大臣皇太子傳如故

類聚國史紀畧

七日庚辰詔曰天地造物覆情之德以弘帝

王濟世卹隱之仁斯深故能務播矜獄登群

黎於富壽陶風湛化致一代之雍熙朕恭羨

敷託嗣守鴻基而誠慙經遠明謝燭幽通霄

輟寢軫納隍之情日旰忘食懷臨谷之懼如
聞諸國徃々疫病不止又太宰府言肥後阿
蘇郡神靈池旱澇不增減而无故涸竭二十
餘丈者延曆年中有此怪當時卜之旱疫告
咎前事不忘取監今日豈政術有乖戒以不
祥欵昔周文引遇涓震地之災宋景厲精移
妖星之咎乃知德必勝妖善克弭患欲攘茲
殃唯資法力宜每寺齋戒以修仁祠鰥寡孤
独不能自存者量加振贍其卧病之徒死人

救養多致死亡凡國郡司為民父母苟而不
顧豈称子育宜一一到門給穀与藥令得存
濟又免除去弘仁十三四兩年調庸未進類聚國史
紀畧秋閏七月十六日丁亥彈正尹四品佐味
親王薨紀畧十九日庚寅講仁王經自宮中以
及天下類聚國史紀畧二十一日壬辰以江南四郡
復隸攝津八月二十七日丁卯命畿内七道
巡察使紀畧冬十一月二日庚午置施藥院使
類聚國史二十八日丙申賀太上天皇四十筭要記

係四月皇紀或為十月四日今後類聚國史紀畧十二月三日辛丑

隱岐言渤海來貢紀畧

三年丙午春正月三日庚午夜左兵衛府厨

院火廝女一人焚死五日壬申地震是日以

左兵衛府火拔除南庭十四日辛巳地震二

十三日庚寅又震二十八日乙未遊獵芥川

野類聚國史紀畧二月十六日癸丑廢備前田原池

鑿神碕池紀畧二十四日辛酉地震類聚國史紀畧二

十五日壬戌賜在唐留李僧靈舩之弟妹稻

一千束類聚國史三月十日丁丑為桓武帝講太

上天皇宸奎法華經於西寺七日紀畧夏四月

五日壬寅幸南池十日丁未幸神泉苑十二

日己酉地震類聚國史紀畧五月丁卯朔三呂恒世

親王薨紀畧六月六日壬寅地震是日轉讀大

般若經於便殿及大極殿限三日以防疫癘

祈豐年秋七月十六日辛巳御豐樂殿覽相

撲避平城帝國忌改用是日卿雲西方見類聚

國史紀畧二十四日己丑左大臣兼左近衛大將

藤原冬嗣薨紀畧補任八月二十二日丁巳以中

納言清原夏野兼左近衛大將補任二十七日

壬戌賑給左右京飢病及被水害百姓類聚國史紀畧

九月六日庚午始以上總常陸上野三國為

親王任國改守曰太守皇代紀要記並作始以親王為大國守且

不繫曰今後三代格十一日乙亥奉幣大神宮冬十月

二日丙申遊獵栗前野類聚國史紀畧五日己巳命

博士等撰定令律問答私記令義解十一月二

十二日乙酉地震十二月十三日乙巳又震

十六日戊申遊獵大原野二十七日己未公

卿奏言天道无言待哲后而呈祉神功不宰

值仁君而降祥故景雲入歌有虞之化逾穆

体气叙彩軒轅之業克宥伏惟皇帝陛下德

等二儀仁敦萬物与天合德尚憂寒暑之不

均得地侔質猶恐黎元之未給伏見少外記

後六位下都省称廣田麻呂左大史正六位

上御野宿称清庭等奏你七月十六日申刻

有五色雲見於豐樂殿之西紀伊守後五位

下白野王等奏備去八月二十八日慶雲見於海部郡賀多村伴島上又太宰大貳參議後四位上小野朝臣峯守等奏備去七月七日慶雲見于筑前那賀郡皆彩色紛郁美麗非常臣等謹惟殿号豐樂駿四海之歡娛島名聖諱表一人之有慶斯實曠古之所希有歷世之所難逢也臣等幸值會昌之期頻觀希世之瑞其為杵躍寔百恒品不勝悅豫之至謹拜表陳賀以聞詔曰朕以菲薄嗣膺丕基踐

氷兢之馭朽孜之膏澤不浹於黎庶風化莫澄於寰區克已惕懷未知攸濟忽見公卿來表有賀慶雲之瑞朕德行无圓慙以感物道化有缺何用動神但惟俊人百工存我匪懈雖霄芝不効慶有餘焉萬民不瞻帝則未順雖麟鳳在野吾猶懼矣自顧唐虛何之慶賀朕不敢當之公等宜且停矣二十九日辛酉公卿再奏賀壬戌晦詔曰朕以昧德忝纂君臨乘奔軫懷納陣銷志分霄寢憂万方之

未安是晷忘哀懼八政之或殊近有挑雲見
諸内外公卿表賀辭不敢當尚亦頻奏拒之
不得誠如來表豈謂在已此則七廟之靈感
應如在二儀之感微祥自臻今欲報德蒼天
寄彼祖宗播惠黎庶共此喜貺可大赦天下

類聚國史紀畧

四年丁未春正月癸亥朔以不豫廢朝類聚國史紀畧
十五日丁丑命畿内校田使紀畧十六日戊
寅天皇病未瘳不御紫宸殿敕皇太子已下

侍從以上觀踏歌夏四月六日丁酉幸南池十

四日乙巳幸神泉苑覽釣魚類聚國史紀畧十七日

戊申地震類聚國史紀畧二十二日癸丑幸神泉苑釣

魚類聚國史紀畧五月辛酉朔建延曆寺戒壇院要記

作五年教岳要記作二年命後天台座主記二十日庚午武藏獻白

雉類聚國史紀畧二十日庚辰詔中納言良岑安世

東宮孝士滋野貞主等撰經國集二十一日

辛巳遣使奉幣天下各神轉讀大般若經於

大極殿三日以祈雨紀畧弘法行狀要集抄

撰性靈集載是月乙酉於大極紫宸西殿屈
百僧禱願文今推于支乙酉二十五日也與
此條事同日 二十六日丙戌敕僧空海迎佛
異故不取

舍利於內裏禮拜灌浴是夜雨濕地三寸紀

弘法行狀要集抄新
西日記引日本後紀 六月二十二日壬子幸

神泉苑賜中納言以下大舍人以上高布有

差秋七月六日乙丑幸神泉苑釣魚十二日

辛未地大震屋舍多顛連日不止類聚國八
史紀畧

月十六日乙巳皇太后宮亮大枝總成獻芝草

四株二十一日庚戌大風屋宇顛覆紀久十

月十五日癸卯置甲斐牧監三代拾二十日戊

申御紫宸殿賜宴群臣七月至是月地震

殆无虛日或有声如雷類聚國十一
史紀畧十一月十三

日辛未敕令諸國修文殊會三代拾十五日癸

酉地震二十二日庚辰地大震声如雷二十

四日壬午又震二十九日丁亥又震類聚十
國史

二月戊子朔地震二日己丑又震十四日辛

丑轉讀大般若經於大極殿三日以穰弭地

震類聚國十六
史紀畧日癸卯地震十九日丙午又

震類聚
國史

五年丁巳春正月十八日甲戌但馬言渤海使來二十一日丁丑命畿内班田使紀二月五日辛卯地震十二日戊戌又震十三日己亥卜定宣子女王為奔宮十五日辛丑地震二十一日丁未御紫宸殿賜宴侍臣三月四日己未地震十一日丙寅又震閏月四日己丑幸神泉苑釣魚十二日丁酉幸南池令群臣釣魚二十七日壬子以射殺菽原王流大

中臣春繼於伊豆類聚
史紀畧國夏五月二十三日

丁未京師大雨山崩水溢漂殺人畜遣使賑給之紀六月三日丁巳地震五日己未又震十五日己巳御紫宸殿賜飲群臣賜内藏寮錢三百貫於侍從已上有差十七日辛未幸神泉苑釣魚二十三日丁丑幸神泉苑雷雨山崩水溢二十五日己卯地大震類聚
史紀畧國二
十八日壬午班越後穀一萬斛以給窮民紀畧
秋七月二十九日壬子詔曰朕以菲虛丕紹

大日本史 卷之二十一
勸業道謝藏用化慙冲亨春水兢兢日慎无
倦秋駕慄之夕惕何忘而薄德靡昭剋心未
高至和有虧咎微荐臻頃者坤德恇叙山崩
地震妖不自作咎寔由人疑是八政或非一
物失所欲靜言厥過責在朕躬當畏天威无
忘鑒寐其天下控抃有寃滯者有司覆審情
狀令得申理又摧葬道殣掩骼埋胔班白不
授指事使人老丁之徭永從寬免八十已上
及鰥寡孤獨不能自存者節級賜物早以頒

示咸使聞知矣八月十八日辛未遣大納言

良岑安世左京大夫石川河主等奉幣柏原

山陵禱消弭災变

類聚回史紀畧

二十二日乙亥辛

神泉苑

類聚回史

二十四日丁丑以山崩水溢遣

侍從高枝王神祇少副大中臣磯守奉幣北

山神九月十七日庚子御武德殿覽信濃馬

班賜参議已上二十五日戊申遊獵北野冬

十月五日丁巳地震二十二日甲戌地大震

二十三日乙亥又震十一月二十五日丁未

地震

類聚國史紀畧

六年己酉春二月二十日庚午祈雨天下名
 神二十八日戊寅讀大般若經於大極殿三
 日以祈雨畧紀三月庚辰朔地大震夏四月五
 日甲寅幸南池十七日丙寅以諸國疫癘敕
 度百僧類聚國史紀畧五月六日甲申以澍雨降賜
 五位已上及諸衛物畧紀二十七日乙巳敕諸
 國造水車三代格二十九日丁未大白晝見經
 日不已畧紀六月三日辛亥停授京職絕戶田

類聚國史十九日丁卯幸神泉苑類聚國史紀畧二十一
 日己巳因幡高草郡女子一產三子賜正稅
 三百束秋七月二日己卯幸神泉苑類聚國史十
 七日申午觀相撲於禁庭八月二日己酉復
 覽相撲三日庚戌幸南池類聚國史紀畧十二日己
 未幸神泉苑類聚國史二十七日甲戌祈晴貴布
 祢丹生川上畧紀九月六日癸未地震十七日
 甲午幸神泉苑召文人賜物有差類聚國史紀畧二
 十二日己亥御武德殿覽信濃貢馬冬十月

丁未朔御武德殿覽甲斐貢馬紀畧十日丙辰

幸泥濘池二十一日丁卯地震二十八日甲

戌遊獵栗前野類聚國史紀畧十一月丁丑朔日右

食之紀畧八日甲申施綿一萬五百屯於諸大

寺僧類聚國史紀畧十日丙戌佐渡女子一產三子

賜正統三百束類聚國史紀畧二十一日丁酉遊獵芥

川野類聚國史紀畧十二月二十四日庚午幸賀茂

河修禊紀畧

七年庚戌春正月丙子朔以兩廢朝二日丁

丑御大極殿受朝賀阿波言景雲見越前言

木連理十二日丁亥地震二十二日丁酉又

震類聚國史紀畧二十五日庚子禊于鴨川紀畧二十

八日癸卯出羽驛奏今月三日大地震城郭

官舍悉顛倒山崩水溢城中壓死十五人傷

損一百餘人依其申請差諸郡兵五百人以

備不虞類聚國史紀畧夏四月二日乙巳御大極殿

覽出雲國造所獻五種神寶及雜物紀畧三日

丙午幸神泉苑十一日甲寅幸南池御涼書

殿賜文人已上物十二百乙卯楔于鴨川御

紫野院釣臺觀魚賜神祇官宮主已上物有

差類聚國史紀畧按楔鴨川者自去年十二
二月以後凡三不載其由今無所考

十一日甲子二品萬多親王薨紀二十五日

戊辰詔曰朕以菲昧祇膺瑤圖夤畏三靈憂

勤四海景化未孚皇猷尚鬱各徵之責不招

而臻如聞出羽地震為災山河致變城宇頽

毀人物損傷百姓無辜奄遭非命誠以政道

有虧降斯靈譴朕之寡德慙乎天下靜念厥

咎甚倍納隍夫漢朝山崩據修德以禳災周

郊地震感善言而弭患然則克已濟民之道

何不師古哉所以特降使臣就加存撫其百

姓居業震陷者使等與所在官吏議量免當

年租調并不論民夷閭倉廩賑助修居宇勿

使失職壓亡之後早從葬埋務施寬恩式稱

朕意二十六日己巳以太宰管内及陸奥出

羽等國疫癘流行夭死稍多救天下轉讀金

剛般若經於國分寺三日訖朔禁殺生五月

六日己卯轉讀大般若經於大極殿七日禳

地震疫癘類聚國史紀畧秋七月六日戊寅大納言

兼右近衛大將良岑安世薨紀畧補任十二日甲

申遣使讀經十八寺奉幣天下名神禳災類聚

國史紀畧十四日丙戌賑給長門類聚國史十六日戊

子幸神泉苑震禁內災二十一日癸己以災

菽玄暉門紀畧二十四日丙申以不豫奉幣大

神宮類聚國史紀畧八月四日乙己以參議藤原吉

野兼右近衛大將補任十四日乙卯地震類聚國史

是日內豎真野王獻芝草二十九日庚午右

犬登栖鳳樓而吠紀畧九月十四日乙酉置藥

師寺最勝王經會類聚國史紀畧按年中行

按年中行事公事根源最勝王二十一日壬

辰幸大納言清原夏野山莊類聚國史紀畧二十二

日癸己御武德殿觀信濃貢馬紀畧冬十月五

日乙己幸北野七日丁未大納言藤原三守

等上新撰格式類聚國史紀畧十日庚戌雉雉集左

衛門陣衛士射獲之紀畧二十七日丁卯遊獵

北野十一月五日乙亥地震二十五日乙未

幸栗前野類聚國史紀畧二十九日己亥伯耆飢賑

給之紀畧十二月十六日丙辰幸苜川野類聚國史

紀畧二十日庚申臨建禮門頒幣諸陵紀畧閏月

二日壬申幸北野八日戊寅召名僧懺禮佛

名經於禁中三日夜類聚國史紀畧按年申

于室龜五年既見老仁紀但舊史書佛名始見于此

八年辛亥春正月十七日丙辰以不豫令王

卿觀射禮二十日己未內宴仁壽殿類聚國史紀畧

按年中行事內宴起於嵯峨帝弘仁四年考類聚國史弘仁中書內宴者四而十一年至

去年無所見是年以後連綿二月九日戊寅不絕恒例可知故此後不書

鑿山城綴喜郡香達池紀畧十八日丁亥幸水

成野類聚國史紀畧三月七日乙巳以佛舍利五百

顯藏大宰府管内國分寺諸定額寺紀畧二十

一日己未地震二十五日癸亥每寺讀大般若

若經七日以防疫癘復四月十日丁丑幸南

池類聚國史紀畧二十二日己丑停大宰府貢鹿尾

晡寺御贄二十五日壬辰越前女子一產三

子賜正稅三百束類聚六月丁卯朔內宴賜

皇太子已下左右近衛六位已上在差類聚

紀十四日庚辰無呂基良親王薨紀是日地

震類聚二十二日戊子幸神泉苑類聚秋

七月十日乙巳賜大納言已下侍從已上洙

物四日己巳幸南池十日乙亥幸神泉苑石

阿波守善道真真主稅頭安野真繼直講蒞

田種繼等論經義真真為座首論三傳義真

繼論三禮義十三日戊寅御大極殿奉幣太

神宮祈防風雨害類聚二十日乙酉山城

河內各益置冰室三所紀二十二日丁亥幸

神泉苑觀左右近衛相撲二十六日辛卯地

震二十八日癸巳幸神泉苑類聚九月十

三日丙午御大極殿奉幣大神宮紀壑駿河

荒廢地四十町為大野牧田類聚冬十月二

日丙寅長門飢賑給之紀十四日戊寅幸北

野類聚十一月九日乙卯免安房未納正

史類聚紀畧

大日本史 卷之三十四 七五

稅七萬束餘類聚國史十二月八日壬申遣參議

左大辨藤原愛發奉幣賀茂社告罷齋有智子

內親王卜定時子女王類聚國史紀畧齋院記十三日

丁丑幸芥川野類聚國史紀畧十四日戊寅雷紀畧是

歲敕東宮學士滋野貞主等撰秘府畧文德實錄

九年壬子春正月乙未朔朝賀以皇子殤不

奉樂十日甲辰地震二十五日己未幸水成

野二十七日辛酉地震類聚國史紀畧夏四月三日

甲子以將修大內遷御本院紀畧十二日癸酉

幸紫野院名院曰雲林亭類聚國史紀畧十四日丙

子皇后幸雲林亭觀農桑賜播殖耒耜二十

一日癸未和泉飢賑給之紀畧五月七日戊戌

地震類聚國史紀畧十六日丁未賑給近江滋賀淺

井二郡遭大災者類聚國史十七日戊申天皇避

正寢讀大般若經於八省院遣使敕練行僧

所在讀經以祈雨紀畧十八日己酉敕曰去年

秋稼不稔諸國告飢今茲疫旱相仍人物夭

折加以往之大災民或六所宜令五畿七道

諸國限一七日轉讀經王轉禍為福修善之

間禁斷殺生類聚國史紀畧十九日庚戌讀經於八

省院庭以祈雨敕四畿內國司等二十日辛

亥雨紀六月二十八日己丑賜越前正稅三

百束於士人秦乙麻呂賞修治道路類聚國史秋

七月五日乙未慶西寺講堂紀十五日乙巳

奉幣天下名神以防風雨類聚國史紀畧越前飢賑

給之紀二十二日壬子御八省院奉幣大神

宮以防風雨八月十日己巳幸神泉苑召博

士生徒等令論義賜物有差類聚國史紀畧十一日

庚午頒幣名神令十三大寺轉讀大般若經

以祈晴二十日己卯大風雨河內攝津洪水

漫防决壞九月七日丙申賑給攝津被水害

者紀十日己亥尾張海部郡女子一產三子

賜正稅三百束類聚國史十四日癸卯地震類聚國史

紀十八日丁未地震二十一日庚戌地震二

十二日辛亥又震類聚國史二十六日乙卯幸北

野試鷹大獵雙岳及隘幸雲林院賜侍從

已上物有差類聚國史紀畧冬十月十四日壬戌御

紫宸殿宴賜侍臣紀畧二十一日己卯又御紫

宸殿宴群臣賜物有差類聚國史十一月二日庚

寅以右大臣藤原緒嗣為左大臣大納言清

原夏野為右大臣紀畧二十三日辛亥遊獵栗

前野類聚國史紀畧

十年癸丑春正月己丑朔以兩廡朝二日庚

寅受朝賀類聚國史紀畧二月十三日庚午決路飢

賑給之十四日辛未令加賀國畫先聖先師

像紀畧按令加賀畫聖像不知其由今無所考十五日壬申右大

臣清原夏野上令義解本書二十四日辛巳

天皇將讓位遷居西院按西院也是日地大

震類聚國史紀畧二十五日壬午近江飢賑給之紀畧

十八日乙酉讓位於仁明帝類聚國史紀畧

上尊號曰太上天皇帝辭之仁明帝不從以


嵯峨上皇在故稱天皇曰後大上天皇養和

元年十月幸雲林院遊獵北郊七年五月不

豫六日幸西顧會曰予素不尚華飾况撥耗

人物乎歛葬之具一切從薄朝例凶具因辭
奉還葬畢釋纒莫煥困人葬者藏也欲人不
觀送葬之辰宜用夜漏追福之事同須儉約
又國忌者雖義在追遠而絆苦有司又歲竟
分練號曰荷前論之幽明有煥無益並須停
狀必達朝家夫人子之道遵教為先奉以行
之不得違失又曰予聞人死精魂歸天而空
存冢墓鬼物憑焉終乃為崇永貽後累宜碎
骨為粉散之山中中納言藤原吉野奏曰昔

菟道稚彥皇子遺教碎骨散棄後世效之然
是親王之事而非帝王之迹我國不起山陵
所未嘗聞也山陵猶宗廟也若無宗廟臣子
何所仰天皇帝曰予氣力綿懼不能論決卿等
宜奏嵯峨聖皇以蒙裁耳八日癸未崩於淳
和院年五十五續日本後記按本書及類聚
國史紀畧作五十九說見題
下謚曰日本根子天高讓彌遠尊裝束山作
養民等司遺詔不受葬於山城乙訓郡物集
村碎粉御骨散大原野高嶺上遵遺制不



置國忌陵戸不列荷前續日本後紀稱曰淳和天

皇又曰西院帝正統紀天皇嘗問僧道昌曰

帝王殺生之罪孰與臣下對曰帝王重臣下

輕曰帝王罪重寧有說乎對曰小僧竊見虞

人供御者割鮮數十以一供膳一御之費多

兼飛走所差雖少所殺亦多故其罪重至于

臣下則不然山澤有禁不聽縱獵戈釣所獲

繞負口腹故其業輕天皇曰善自是者遊虞

緩山澤之禁三代實錄大日本史卷二十四終

